

# Analisis di resultado di eleckshon na Aruba

E electorado na Aruba diavernes ultimo a duna e partido MEP un mandato bon cla. Mientras e coalishon di AVP-OLA a perde cinco asiento, cu ta nifica un rechaso total di e maneho di Gabinete Eman-II.

Den tur e districtonan electoral e partido MEP a sa di saca un mayoria, hasta den Playa unda cu tradishonalmente nan tabata vota pa AVP. For di esaki tambe por conclui cu e votadornan di AVP a bira lomba pa nan partido. En general por bisa cu e biaha aki tabata tin no menos cu 81 cara nobo ariba e diferente listanan. Si durante e eleckshon di 1997 ambos partido AVP y MEP no a logra di saca un mayoria, e biaha aki si esaki a sosode. E motibo di esaki ta sinta den e hecho cu e pueblo a cansa di e partidonan chikito, kendenan ta poniendo asina tanto preshon ariba nan partner di coalishon cu gobierno ta cai.

Despues cu Aruba a haña su Status

Aparte na 1986 nos a conoce cuater eleckshon cu cada biaha un gobierno di coalishon. Cada un di e gobiernonan aki no a sinta e periodo di cuater aña pa ehecuta e programa di gobernashon. For di e eleckshon na 1981 e pueblo a cuminsa vota otro. Si e partidonan cu nan a vota pe no cumpli, un siguiente eleckshon nan ta core cu nan. Asina pues nos a conoce e diferente gobiernonan AVP-ADN-PDA-PPA (1985); MEP/PPA(1989); MEP-PPA-ADN (1993); AVP-OLA (1994); AVP-OLA (1997). Mester apunta aki-

nan cu na 1997 tabata tin un prolongashon di e coalishon AVP-OLA, debi cu OLA no kier a forma gobierno cu MEP. E mesun cos a pasa na 1993, ora cu ni ADN ni PPA no kier a forma gobierno cu AVP.

## Resultado di Eleckshon 2001

| Tabla 1 Votos | Votos  | Asientos |
|---------------|--------|----------|
| 1997          | 2001   | 2001     |
| 119           | 97     | 97       |
| MEP           | 17.458 | 25.057   |
| 12            | 9      | 9        |
| AVP           | 19.579 | 12.762   |
| 610           | 610    | 610      |
| OLA           | 3.976  | 2.708    |
| 12            | 12     | 12       |
| PPA           | 2.052  | 4.577    |
| 20            | 20     | 20       |
| ADN           | 1.098  | 1.098    |
| 522           | 0      | 0        |
| Aliansa       | -      | 1.668    |
| 0             | 0      | 0        |
| CLA           | 541    | 0        |

## Fuente: Propio elaborashon, 2001

Loke ta sobresali ta cu MEP a mantene su base den Santa Cruz, AVP den Playa, PPA den San Nicolas y OLA su nucleo di votadornan ta concentra tambe den Playa. Den San Nicolas e coalishon AVP/OLA a perde 2063 votos. Mester aña di cu AVP tabata tin un bon programa, pero cu pueblo no ta kere den e promesanan aki mas. E partido MEP a sa di a gana e confiansa di e pueblo cu e lema Orden y Felicidad. Hustamente locual ultimamente tabata hasi falta di dje na Aruba. MEP a sa di hiba un campaña fuerte pa gana e curazon di e votadornan. No solamente via di e emisornan local, pero tambe den e debatenan na televishon; nan a demostra cu nan ta bon prepara pa drenta den Go-



bierno. E sorpresa mas grandi den e eleckshon aki ta cu PPA a saca dos asientos, despues cu ultimo eleckshon nan no a haña representashon den parlamento.

## E caida di AVP

E partido AVP sin duda ninguno a resulta di ta e gran perdedor den e eleckshon aki, perdiendo 6817 votos. Hasta den e distrito electoral di Playa unda AVP tin mayoria di su votadornan, AVP a perde 2151 votos. Notable ta cu desde cu exprome ministro Henny Eman a anuncia cu e lo retira completamente for di politica, cu e problemanan a cuminsa. A nombra un lider di partido nobo den persona di Dr. Tico Croes. Desde e momento ei ta parse cu sr. Eman no tabata guia su gabinete di ministronan y coordina e desishonnan cu mester ser tuma.

E gobierno di AVP/OLA a confronta desde 1999 e siguiente problemanan: e proyecto di Race-track cu a costa \$ 30 milyon sin cu a ser realisa, bancarota di Air Aruba, aumento di criminalidad, un (AZV) aseguro medico general demasiado caro, finanzas publico y privatisashon di ATA. Ariba e ultimo punto aki tambe e gobierno a cai. Cu e resultado di e eleckshon, historia lo ripiti su mes. Mescos cu Henny Eman na 1979 a

trese e partido atrobe riba pia, despues cu na aña 1971 y 1975 tempo cu e liderazgo di partido AVP tabata den man di un otro lider y cu a cai di 3 pa 1 asiento. E mesun cos ta bai pasa awor tambe. Dirigentenan di e partido durante un congreso di partido lo demanda pa Mike Eman bira e lider nobo di AVP. Tur cos ta depende di e cantidad di votonan preferencial cu Tico Croes y Mike Eman a haña y e hecho cuanto sosten sr. Croes tin di su coleganan den partido.

## Hende Muhe

Den e eleckshon aki un cantidad di 35 hende muhe a aparece riba e diferente listanan di e

partidonan politico. N'e eleckshon di 1997 un total di 22 damas y pa e eleckshon di 1993 un cantidad di 32 hende muhe a participa na e eleckshonnan. E biaha aki un total di 8 damas tabata coloca ariba un posishon elegible, mientras cu na 1997 esaki tabata 4 y na 1993 esaki tabata 5 damas. Mester bisa akinan cu e cantidad di hendenan muhe cu participa na eleckshon, ta mas halto cu aki na Hulanda mes. Mayoria di e hendenan muhe cu participa tin un nivel di educashon halto y nan tur tabata sobresali pa e forma con nan ta domina e arte di politica. Un di esnan mas remarca-

ble ta dra. Marisol Tromp di MEP kende despues di a subi lista pa prome biaha na 1997 a ricibi 1538 votos. E expectativa ta tambe cu e biaha aki e la surpasa 3000 votos. E era cu parlamento tabata ser domina dor di hende homber a pasa pa pasado.

Den e parlamento nobo lo tin siete damas cu lo keda huramenta como parlamentario.

Un di e caranan nobo lo ta dra. Mervin Ras cu probablemente lo ta encarga cu asuntonan social. Den e proximo gobierno lo tin dos dama como ministro: asuntonan economico y finanzas publico.

## Partidonan Chikito

E partidonan chikito no a hasi mucho cos durante e eleckshon aki. Hopi a spera cu e partido nobo Aliansa lo a hala masha voto mes, pero esaki no a resulta di ta e caso. Un dje motibonan ta cu Aliansa a drenta campaña cu un problema. Un conflicto interno cu resulta cu fundador di e partido a retira for di lista y a distancia su mes di e partido. Ademas Aliansa a presenta su mes mucho como un partido di intelectualnan. Y esei ningun hende no ta sinta warda ariba.

Aserca ta bin cu ta na momento cu e gobierno a cai, cu nan a lanta e partido y cu den tres luna di tempo bo no por logra mucho. Pa por ta exitoso como partido nobo, bo mester ta por lo menos un aña activo den e bida politico. E pueblo mester ta na altura di bo ideanan, plannan y e alternativa cu bo ta ofrece pa e

problemanan financiero-economico. Hecho ta si cu pa un prome biaha Aliansa a haña mas voto cu normalmente un partido nobo por haña. E partidonan ADN di Charo Kelly y CLA di Dr. Blume no a hasi nada den e eleckshon aki. Por remarca akinan cu si e partidonan chikito a participa cu un lista di combinashon, nan por a saca 1 asiento.

Ta parse cu te ainda ta dificil pa a base di e programa di partido, e ideologia di partido y e interesnan personal pa jega na un union entre Aliansa, CLA y ADN. Mester apunta si cu Aliansa cu un diferencia di 1040 votos compara cu e partido OLA di

Glenbert Croes, p'e proximo eleckshon lo ta un alternativa serio. Sin embargo Aliansa lo mester continua e cuater añanan aki como un movimiento politico, cu lo mester laga su voz resona

den e arena politico.

## No-votadornan

Un total di 8775 personas no a hasi uso di nan derecho di voto o sea cu nan voto a ser declara invalido. Un cantidad considerable cu ta representa 4 asiento cu por a ser reparti entre e partidonan.

Remarcale ta cu den e eleckshon aki e cantidad di esnan cu no a bai vota a baha di 18.9 % na 1997 te 15.5% na 2001.

Aunke cu nos mester bisa cu si

SIGI LESA PAG.4



## Kont. di pagina 3

tabata trata un 25%, anto e ora ei tabata un peliger. Esnan cu no a bai vota ta esnan cu no ta favorece ningun dje partidonan, esnan cu pa prome biaha mester a bai vota y esnan cu pa un otro motibo no por a bai vota. Riparable ta cu den e barionan manera St. Cruz, Paradera y Savaneta unda e habitantenan ta hopi cera cu otro; e cantidad di no-votadornan ta mas abao cu den e otro districtonan. Con cu bai bin e politiconan mester bai tene cuenta den futuro, con pa motiva mas tanto hende pa bai vota.

### Retonan

E gobierno cu ta bai sinta entrante dia 30 di oktober proximo, tin un cantidad di problemanan cu e lo mester solushona. Pa cuminsa nan lo mester traha pa bin cu un presupuesto balanse.

Un presupuesto den cual no ta gasta mas placa cu e entradanan cu gobierno ta ricibi for di e.o.

Tambe belasting. Tambe lo mester busca un solushon pa e situashon cu turismo ta enfrentando, despues di e atentado na Estados Unidos. E gobierno lo mester dicidi si ta lanta un aerolinea nacional atrobe. Tambe lo mester

reorganisa cuerpo policial pa por combati criminalidad na un manera mas efectivo.

Ariba tereno di salubridad publico lo mester adapta e asegurado medico general (AZV), di tal manera cu e ta bira pagable y cu e comunidad tin su beneficionan.

Tambe e problemanan den enseñansa, e aparato gubernamental y e cuestion di ilegalnan ta exige atencion di e gobierno nobo. E problema mas grandi ta cu lo mester sinta na mesa cu Hulanda,

pa jega na un acuerdo nobo relashona cu aki 9 aña Aruba mester bira financieramente independiente di Hulanda. Cu e rapport 'Calidad' awendia por pone un ministro responsabel, den caso cu ser comproba cu e no a atene su mes na locual ley ta prescribi. Importante pa sa si e gobierno di MEP lo pone e ministronan responsabel pa e consequencianan di e desishonnan cu nan a tuma y persigi nan legalmente. Den tal caso e ex-ministro lo mester paga e Gobierno di Aruba e suma bek cu e la malusa.

© Quito Nicolaas  
(Politicologo Arubiano)